

## საქართველოს კანონი

### საქართველოს ადმინისტრაციულ სამართალდარღვევათა კოდექსში ცვლილების შეტანის შესახებ

**მუხლი 1.** საქართველოს ადმინისტრაციულ სამართალდარღვევათა კოდექსში (საქართველოს სსრ უმაღლესი საბჭოს უწყებები, №12, 1984 წელი, მუხ. 421) შეტანილ იქნეს შემდეგი ცვლილება:

1. 177-ე მუხლის მე-14 ნაწილი ჩამოყალიბდეს შემდეგი რედაქციით:

„14. საქართველოს შინაგან საქმეთა სამინისტროს მმართველობის სფეროში შემავალი სახელმწიფო საქვეუწყებო დაწესებულების – საგანგებო სიტუაციების მართვის სამსახურის უფლებამოსილი პირისათვის „სამოქალაქო უსაფრთხოების შესახებ“ საქართველოს კანონის 33-ე მუხლით გათვალისწინებული უფლებამოსილების განხორციელებაში ხელის შეშლა –

გამოიწვევს დაჯარიმებას 1 000 ლარის ოდენობით.“.

2. 209-ე მუხლის პირველი ნაწილი ჩამოყალიბდეს შემდეგი რედაქციით:

„1. საქართველოს შინაგან საქმეთა ორგანოები განიხილავენ ადმინისტრაციულ სამართალდარღვევათა საქმეებს, რომლებიც გათვალისწინებულია ამ კოდექსის 58<sup>3</sup>, 86<sup>1</sup>, 107<sup>1</sup>–107<sup>3</sup>, 107<sup>5</sup>, 108-ე, 114<sup>1</sup>, 114<sup>2</sup>, 116-ე–116<sup>3</sup>, 118-ე–119-ე, 120-ე–123-ე, 125-ე და 127-ე მუხლებით, 127<sup>1</sup> მუხლის პირველი–მე-2, მე-6 და მე-7 ნაწილებით, 128-ე მუხლის პირველი და მე-2 ნაწილებით, 129<sup>1</sup> მუხლით, 131-ე მუხლით (საავტომობილო ტრანსპორტზე ჩადენილი დარღვევებისათვის), 134-ე, 135<sup>2</sup>–135<sup>4</sup> და 139<sup>5</sup> მუხლებით, 153<sup>6</sup> მუხლის პირველი, მე-3 და მე-4 ნაწილებით, 155-ე და 170-ე მუხლებით, 171-ე მუხლის პირველი და მე-2 ნაწილებით, 171<sup>1</sup> მუხლით (ყველა დაწესებულების (გარდა სამედიცინო და ფარმაცევტული დაწესებულებებისა, საქართველოს თავდაცვის ძალებისა და პენიტენციური დაწესებულებისა), სატრანსპორტო საშუალების (გარდა რკინიგზის, საზღვაო და საჰაერო ტრანსპორტისა) მძღოლის, რკინიგზის, საზღვაო და საჰაერო ტრანსპორტის მესაკუთრის/მფლობელის, აგრეთვე ფიზიკური პირის მიმართ (გარდა ფიზიკური პირის მიერ რკინიგზის ტრანსპორტში ჩადენილი დარღვევისა)), 174<sup>15</sup> მუხლით (გარდა 174<sup>15</sup> მუხლის მე-4 ნაწილისა), 174<sup>16</sup> და 176<sup>1</sup> მუხლებით, 177-ე მუხლით (გარდა 177-ე მუხლის მე-4, მე-5, მე-8, მე-12 და მე-13 ნაწილებისა), 181<sup>1</sup> მუხლის პირველი ნაწილით და 182<sup>1</sup>, 182<sup>2</sup>, 190-ე, 190<sup>2</sup>, 191-ე და 191<sup>1</sup> მუხლებით.“.

3. 210-ე მუხლი ამოღებულ იქნეს.

4. 239-ე მუხლის:

ა) მე-13 ნაწილი ჩამოყალიბდეს შემდეგი რედაქციით:

„13. ამ კოდექსის 45-ე, 45<sup>1</sup>, 58<sup>3</sup>, 81-ე, 86<sup>1</sup>, 100<sup>2</sup>, 107-ე, 107<sup>5</sup>, 114<sup>1</sup>, 114<sup>2</sup>, 116-ე–116<sup>3</sup>, 118-ე–123-ე, 125-ე და 127-ე მუხლებით, 127<sup>1</sup> მუხლის პირველი–მე-2, მე-6 და მე-7 ნაწილებით, 134-ე, 135<sup>2</sup>–135<sup>4</sup>, 139<sup>5</sup>, 150-ე და 153<sup>3</sup> მუხლებით, 153<sup>6</sup> მუხლის მე-2 და მე-5 ნაწილებით და 166-ე, 173-ე, 174<sup>1</sup>, 174<sup>15</sup>, 174<sup>16</sup>, 175<sup>2</sup>, 176<sup>1</sup>, 177-ე, 177<sup>1</sup>, 180-ე–183-ე, 190-ე, 190<sup>2</sup>, 191-ე და 199<sup>1</sup> მუხლებით გათვალისწინებულ ადმინისტრაციულ სამართალდარღვევათა ოქმებს ადგენენ შინაგან საქმეთა ორგანოები, ხოლო საქართველოს შინაგან საქმეთა სამინისტროს სამხედრო მოსამსახურის მიერ ამ კოდექსის 45-ე, 45<sup>1</sup>, 166-ე და 197<sup>2</sup> მუხლებით გათვალისწინებული ადმინისტრაციული სამართალდარღვევების ჩადენის შემთხვევებში შესაბამის ადმინისტრაციულ სამართალდარღვევათა ოქმებს ადგენს საქართველოს შინაგან საქმეთა სამინისტროს უფლებამოსილი პირი.“;

ბ) 60<sup>2</sup> ნაწილი ამოღებულ იქნეს.

**მუხლი 2.** ეს კანონი ამოქმედდეს 2019 წლის 1 იანვრიდან.



ქუთაისი,

22 დეკემბერი 2018 წ.

N4100-რს

